

Malbikunarstöð Hlaðbær-Colas hf
Gullhelli 1
221 Hafnarfjörður

Reykjavík, 11. nóvember 2019
UST201901-246/S.M.
08.06.02

Reglubundið eftirlit í bikstöð Hlaðbær-Colas

Þann 23. október sl. fór fram reglubundið eftirlit í bikstöð Hlaðbær-Colas í Hafnarfirði. Í samræmi við 57. grein reglugerðar nr. 550/2018 um losun frá atvinnurekstri og mengunarvarnaeftirlit sendist meðfylgjandi eftirlitsskýrsla.

Engin frávík komu fram við eftirlit en ein athugasemd var gerð.

Virðingarfyllt


Sigríður Magnúsdóttir


Gottskálk Friðgeirsson

Afrit: Heilbrigðisnefnd Hafnafjarðar- og Kópavogssvæðis

EFTIRLITSSKÝRSLA

Malb.st. Hlaðbær-Colas (bikstöð) Hafnarfirði



| | | | |
|----------------------------|----------------------------------|--------------------------------|-----------------------|
| Dags eftirlits | 23.10.2019 | Ábyrgðarmaður eftirlits | Sigríður Magnúsdóttir |
| Fyrirtæki | Malb.st. Hlaðbær-Colas (bikstöð) | Eftirlitsmaður | |
| Heimili | Óseyrarbraut 16 | Tegund eftirlits | Reglubundið |
| Kennitala | 4201871499 | Flokkur | Olía |
| Fulltrúi fyrirtækis | Harpa Þrastardóttir | ÍSAT nr. | 23.99 |
| Fulltrúi fyrirtækis | Sigurður Benedikt Björnsson | Staðsetning | |

NIÐURSTAÐA EFTIRLITS

Ekkert frávik kom fram við eftirlit en ein ábending var gerð er varðar uppfærslu viðbragðsáætlunar. Eldra frávik vegna botnþykktarmælinga helst áfram opið en unnið er að breytingu á starfsleyfi.

UMFANG EFTIRLITS

Farið var í reglubundið eftirlit með bikbirgðastöð Hlaðbær-Colas að Óseyrarbraut 16 í Hafnarfirði og var umfang eftirlitsins eftirfarandi:

1. Umfang starfseminnar (gr. 1.2 í starfsleyfi)
2. Skráningar og mælingar (gr. 3.1, 3.2 og 3.3)
3. Tilkynningar vegna mengunaróhappa (gr. 4.4 og 4.6)
4. Tryggingar (gr. 4.7)
5. Síðasta eftirlitsskýrsla
6. Áhættumat Umhverfisstofnunar til ákvörðunar á tíðni eftirlitsferða
7. Skoðunarferð um viðeigandi svæði

Í bikbirgðastöðinni er heimilt að taka á móti og geyma í stærsta geymi allt að 2200 m³ af biki og önnur þau olúefni sem ætluð eru til malbiks- og olíumalarframleiðslu. Fyrirhuguð er stækkun á stöðinni þar sem rekstraraðili hefur fest kaup á lóðinni að Óseyrarbraut 20 og eru framkvæmdir hafnar við byggingu 3700 m³ bikgeyms á þeirri lóð. Rekstraraðili hefur sótt um breytingu á starfsleyfi til Umhverfisstofnunar vegna þessa.

Farið var yfir hvort skráningar og mælingar væru í samræmi við gr. 3.1, 3.2 og 3.3 í starfsleyfi. Fram kom að gerð væri viðhaldsáætlun fyrir árið og jafnframt að allar skráningar hjá rekstraraðila væru rafrænar. Olía í fráveituvatni er mæld árlega.

Rætt var um viðbragðsáætlun vegna mögulegrar bráðamengunar hafs og stranda og var hún tiltæk við eftirlit. Rekstraraðila var bent á að uppfæra viðbragðsáætlun sína með hliðsjón af nýjum leiðbeiningum Umhverfisstofnunar um tilkynningar vegna mengunaróhappa ef þörf er á.

Rekstraraðili er með tryggingar í samræmi við kröfur starfsleyfisins.

Rætt var um síðustu eftirlitsskýrslu en þar kom fram eitt frávik er varðar botnþykktarmælingar á geymum. Slíkar mælingar skal gera á minnst 10 ára fresti samkvæmt starfsleyfinu. Geymar merktir EE, SB1 og SB2 voru þykktarmældir árið 2010. Þykktarmæla átti aðra geyma fyrir árslok 2015. Breytingar hafa orðið á reglugerð og eru jarðbiksgeymar nú undanskildir botnþykktarmælingu, sbr. 20. gr. reglugerðar nr. 884/2017 um varnir gegn olíumengun frá starfsemi á landi. Rekstraraðili hefur sótt um breytingu á starfsleyfi þar sem óskað er m.a. eftir að gr. 3.2 í starfsleyfi er varðar m.a. botnþykktarmælingar verði breytt til samræmis við reglugerðina. Frávikið helst áfram opið.

Kynnt var nýtt áhættumat Umhverfisstofnunar til ákvörðunar á tíðni eftirlitsferða en samkvæmt 57. gr. reglugerðar nr. 550/2018 um losun frá atvinnurekstri og mengunarvarnaeftirlit ber Umhverfisstofnun nú að ákvarða tíðni eftirlitsferða út frá kerfisbundnu mati á umhverfisáhættu viðkomandi starfsemi. Umhverfisstofnun hefur unnið drög að áhættumati fyrir starfsemi sem fellur undir eftirlit stofnunarinnar og hyggst áhættumeta starfsemi samhliða vettvangsheimsóknnum ársins. Í lok árs mun stofnunin síðan rýna heildrænt niðurstöður áhættumatsins og nota sem grunn við gerð eftirlitsáætlunar 2020.

Farið var í skoðunarferð um athafnasvæði bikstöðvarinnar sem og litið á framkvæmdir við nýjan bikgeymi á næstu lóð. Svæðið er snyrtilegt, skipulagt og ekki tilefni athugasemda.

ÁBENDINGAR

Rekstraraðila er bent á að uppfæra viðbragðsáætlun sína með hliðsjón af leiðbeiningum Umhverfisstofnunar um tilkynningar um mengunaróhöpp ef þörf er á.

ANNAÐ

Einnig var viðstaddur eftirlitið fyrir hönd Hlaðbær-Colas Gísli Eymarsson.

- 1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.
- 2 Athugasemd: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.

Reykjavík, 08.11.2019

Sigríður Magnúsdóttir

Sigríður Magnúsdóttir